

Nuutsbreef , november 2025

Bèste Veldeke minse,

1.Wanjele langs de panne

Tót 10 november kèntj g'r uch nog aanmelje voor de volgendje activiteit op 15 november a.s.

Den is de rónjleiding mit gids langs de pannebördjes die her en der in 't centrum staon en die get vertèlle en laote zeen van wie de Valk nog 'n pannefabriek woor. W'r vertrèkke op dae zaoterdig óm 14.00 oer bie de roaj brök taegenäöver de ingank van "de Pannenfabriek" aan de Aosterbergerwaeg. De wanjeling doertj zoaget 'n oer en eindigtj dao ouch weer. Aansloetendj krieg g'r den nog 'n leuke prissentasie van verleden en heden van "de Pannenfabriek" ónger 't genot van 'n teske koffie mit ein lekker sjtökske vlaai.

Väör 't opgaeve óm mit te gaon, deentj g'r de eige biedrage vääraaf te betale: 5 euro vääor leje, 7,50 vääor introducees. Det s den vääor de gids en de tractatie bie de aafsloeting. Laesj eventueel verder in 't lès versjene nummer van oos Veldeke Bekèt.

Tót 10 december kèntj g'r uch ouch nog aanmelje vääor de kersaovendj op 19/12.

2. 'ne Nuje Bibliotheek

Op woonsdig 19 november weurtj de nuje Bieb geäöpendj aan de Bäövestestraot. Det is neet vääol wiejer in 't pandj direk d'rnaeve. De nuje Bieb is groter en haetj ouch 'n aafdeiling vääor de Limburgse taal. 's Middes is 'n aoep inloupgelaegenheid. Laes vääor mieë details volgendje waek in 't Waekblaad.

In verbandj mit de verhoezing zal 't vääorlaeze vääor de kènjer op maondig 17 november neet doorgaon. Det weurtj opgesjaove nao 24 november en den natuurlik in de nuje Bieb.

3.Sinterklaos in aantoch...

Bie 't zeuke nao surprises zótj g'r ouch èns kènne gaon kieke bie de Veldeke-verkoupuntje. Dao zeen nog exemplare besjikbaar van de recente oetgaves, wie:

- Floortje in de dieretuin (nog beperktj aantal)
- ABC-beukske vääor kènjer, mit oetlèk van dialekwäörd en leuke illustraties.
- 't BGB, de bronsgreune spellingwiezer (tót januari nog taeghe actiepries van 2,50!)
- Kwartetspel Ech-Zöstere
- Limburgs dobbelspel (Yatsee)

Allemaol zoalang d'r vääorraod is.

Het bestuur van Veldeke Krink Ech